

湯文正公史稿



湯  
齊  
正

公  
史  
稟



史之爲體有三曰紀傳曰編年曰記事記事之源出自尚書編年之法昉于春秋後世紀事本末資治通鑑實因之惟其有所視效故能精約曉暢使人流覽玩索易見旨趣獨是紀傳創于輓代弗得聖人述作以爲依歸雖文筆所至震悍飄忽而寄騷情于賞功罰罪之外其意類多難明要以究天人之理盡古今之變維世道正人心茫乎未有津涯也後之倣其制者亦徒摹其繪鏤濃縟至于體要之尙闕焉弗講求其先民是程以庶幾經世之典也蓋其難哉惟陳壽

日序

志三國稍悟向來之失於是芟刊淘滌以簡攝腴雖未蹈言約指遠之域而規模於焉粗具吾里湯潛庵司空學精而聞博居平於天道人事往古來今之變皆已洞悉幾微與人言敷陳詳明而事族所會直抉片言人皆服爲不煩及其再入史館適有纂修明史之役嘗有書來曰僕以猥才末學濫膺編述不特班馬門庭所不敢望卽求如陳承祚之裁制終覺未能是言也蓋謂承祚盡刊繁枝獨存勁幹與古經記事之法有合實慕之非靳之也故其爲書明治亂辨盛衰崇賢良黜奸回辨天人于毫芒別是非于微末筆



依承祚而取義實精體準三國而折衷歸當遂使紀  
傳一體無傷詞費甯特並驅袁馬直可上溯二經譬  
人見濫觴之出以爲易挹然終日酌取萬古不能盡  
也乃所修僅英景憲孝四朝諸臣列傳不得兼總條  
貫互見經緯以盡其化裁之妙爲可惜焉雖然知樂  
者聆一音而神會夫大成之美知味者吮一臠而腹  
飫乎九鼎之膏然則卽四朝之治亂與諸臣之賢奸  
而損益勸懲之理不可推之于先生所未言以識危  
微興喪之幾也哉今而後史家之體有以各得往聖  
傳心之要其先生爲之權輿也夫同里田蘭芳拜撰  
日序



明史凡例議

明太祖四代考妣止當於本紀內載明不必另作附紀漢高祖父太公身爲太上皇光武父南頓君身爲邑令兩漢書皆不作紀况四祖皆先歿又無事可考乎唐宋史亦無此例

睿宗當依漢書定陶共王例爲妥直作紀未安定陶共王哀帝卽位追尊爲共皇帝置寢廟京師序昭穆如孝元漢史止稱定陶共王而已其追尊事皆叙入傳中故興宗當稱懿文太子睿宗當稱興獻王仍載入諸王下必君臨天下方稱紀則統系明史凡例議

分明耳

一

漢史以後止有儒林傳獨宋史儒林傳外特立道學傳以其時周程張朱繼洙泗之傳不可同於諸儒故特立一傳以表正宗康節南軒則羽翼程朱者也象山之學未大彰從之者寡自難與朱子並列蔡季通仲默呂東萊胡文定真西山學術最正著述最有功皆不得列於道學而黃直卿李敬子陳安卿張元德李公晦黃商伯獨得以門人附朱子之後可見當時史臣特表程朱之統系而未嘗

一一較量其學術之高下也元之許魯齋吳草廬



金仁山許白雲未嘗不可以稱道學而元史不立道學傳宋王兩先生於此蓋斟酌之詳矣明之儒者純粹正大莫如薛文清公而門人闔子與白堯佐不足大發明其學曹月川著書立教在文清之先涇野楓山虛齋整菴雖與文清之學相近要皆獨有心得非師弟相傳授其時程朱之學大明於世有志聖賢者皆能尋繹得之非如宋之濂洛龜山延平紫陽確有淵源也白沙敬齋同出康齋之門而學術迥別可見學者貴自得不專在師傳也正嘉之間王文成倡良知之宗其門人爲獨盛後明史凡例議

二

顧高諸先生雖亦嘗駁正無善無惡之說大端未始與陽明爲異蓋陽明之學直截透快略近象山而與孔孟不悖實足爲馳騫書冊忘却本心者下一箴砭其立言有過處門人有流弊不能爲之諱至其見地光明發明本心如拔本塞源諸論聖人復起不能易也不然豈百餘年高賢大儒盡爲所惑從祀廟庭經舉朝會議盡雷同附和與今日修史如依宋史道學傳例則當以薛文清曹月川呂涇野胡敬齋蔡虛齋羅整菴等爲一卷王文成鄒東郭錢緒山羅念菴等爲一卷顧涇陽高景逸馮



少墟劉念臺等爲一卷道學傳不使用道具諸公以道學爲重亦不必入前大傳矣大約成弘以上文清之派爲盛嘉隆之際文成之派爲盛萬曆以後高顧諸君子終焉平叙一代之學統而序中論其學術之同異稍稍言及流弊固無妨也如不立道學傳止稱儒林傳則薛以相臣王以勲封俱入大傳儒林則以曹月川陳白沙陳克菴胡敬齋羅念菴王龍溪羅近溪諸公可得一二十人與註經釋傳者先後並列焉如漢之董江都唐之韓昌黎宋之司馬文正公皆在大傳固不礙其爲大儒從明史凡例議

三

祀孔廟也總之修史與專家著述不同專家著述可據一人之私見奉

旨修史必合一代之公評未可用意見肆譏彈也或曰陽明功業學術實錄議之矣實錄亦不足信

辨得最明確

乎曰武宗實錄作於世宗初年操筆者多忌功爭

名之輩定謚贈爵在隆慶初年從祀孔廟在萬曆十二年則事久論定也今不從事久論定之言而反從忌功爭名之說乎從來具臣濫叨卹典實繁有徒以陽明之功身後贈謚祭葬一切不行豈公道乎且實錄何可盡信如以爲實錄可盡信也則



方正學叩頭乞哀亦可信乎

文苑必著述成家者方可入若以一二首詩佳便入文苑則文苑太濫矣酷吏與姦臣相去甚遠立心殺戮正人敗壞國家事此之謂姦臣意主於爲國而用法慘酷君子惡其不仁故名之爲酷吏觀漢史所載趙禹張湯董宣陽球或以廉平著或以疆項各特好殺人立威故史家置之酷吏所以嚴循吏之辨也若許顯純輩乃姦臣非酷吏也史家分限甚嚴未可以酷吏爲姦臣未滅地也

宦官傳當分別邪正未可專論時代

明史凡例議

四

宸濠寘鐺依漢書七國例爲妄不必立叛宗傳

議極平正且有關係



本紀條例

一凡太祖自將如龍灣康郎之戰自當詳叙若命將則大攻戰方書

一初起兵收取地方如江陰常熟諸暨無爲等州縣皆與敵隣境稱要地故備書其後必大郡始書蓋攻取次第不可畧不敢繁也

一實錄載至正十六年秋七月己卯朔諸將奉太祖爲吳國公而牧齋先生據俞本記事錄葉子奇上孫炎書以爲當在二十一年正月相去六年竊以當年史臣與太祖同時不應舛悞至此太祖是本紀條例

時兼總江南行中書省事則書中丞相之稱亦無足疑故仍以實錄爲正

一太祖初制中書省都督府御史臺爲三太府而中書省尤重故中書除罷皆書御史大夫中丞左右都督除罷亦書六部隸中書省尚書初無定員有一部三四尚書者因其後漸重故除拜亦皆書罷中書省之後尚書左右都御史除罷皆書侍郎以下非超擢者不書行中書省參政初設則書其後由尚書遷轉則書蓋記尚書除罷非爲行省參政也若尚書亦自罷中書後書似更簡當



一殿閣大學士四輔官雖不與政事而體甚重乃太祖特置且無表可載故書如宋濂爲學士承旨宋訥爲祭酒之類特書一二以著得人亦前史例一旌表節孝不能備書有特詔旌表者書一二以見開國所尚

一車駕幸某處車駕還京師用資治通鑑例王公書薨侯伯以下書卒亦用資治通鑑例功臣人衆其薨卒不能盡書自六王諸公及歿後贈公者書歿於軍中卒於官者書餘不書

一德慶侯廖永忠卒實錄爲之立傳備書其功一次  
本紀條例

與卒之歲月而又曰上賻遺之甚厚以其子權襲爵而通鑑博論及劉辰國初事蹟皆曰誅死穎國公卒實錄不爲立傳而寄傳於封拜條下宋國公卒後卹典全闕世不能無疑夫實錄於功臣書誅者衆矣何獨於數公諱之宋公之死大都多影響之辭穎公俗傳謬妄不足道獨博論一書出自寧藩似可尊信然則實錄所云賻遺之厚子權之襲爵皆妄耶世遠言湮不得已證之前史前史凡明正典刑者則書誅有他故者照常例書之如漢成帝賜翟方進牛酒卽日自殺上秘之此載方進傳



而成帝紀止書丞相翟方進薨此例之最可據者  
况諸公之傳不能明言其故何嫌於書薨書卒乎  
一太祖承元之後修復典禮功最大且多出獨斷  
非由臣下奏請以有禮樂等志本紀不能盡載止  
書一二大者

一昭示奸黨錄不見於實錄折衷諸家著述定以  
二十三年五月牧齋云此錄次第刊布未必在此  
時也且既云刊布應流傳天下何以止有內閣秘  
本此不能無疑

一初封則書追贈不書因死節死事追贈者皆書  
本紀條例

襲封不書因有功襲封者皆書大封功臣人衆不  
能備書書侯者幾人此前史例

一實錄諸本多錯簡有與志表互見者俟志表成  
再對校補刪方可定本

一節大節目煞有發明



潛菴先生擬明史稿目錄

卷之一

太祖本紀

卷之二

太祖本紀

卷之三

太祖本紀

卷之四

太祖本紀

卷之五

目錄

歷志

卷之六

歷志

卷之七

歷志

卷之八

高文昭章睿景純七朝后妃傳

卷之九

王直王翱李秉崔恭姚夔尹旻列傳

胡濙魏驥列傳



苗衷馬愉高穀陳循蕭鑑王文江淵王一窟  
許彬列傳

曹鼎張益鄺埜王佐丁鉉王永和鄧榮姚銑  
鮑輝包良佐黃綬黃裳俞鑑申佑張瑋羅如

塘馬豫李昱列傳

李實羅綺王復趙榮列傳

袁彬哈銘沙狐狸

卷之十

于謙列傳

朱驥范廣王偉附

楊洪郭登朱永列傳

徐有貞楊善石亨列傳

目錄

陳祚劉球鍾同廖莊章綸劉鈺孟玘劉實楊

瑄列傳

卷十一

李賢彭時商輅列傳

岳正呂原劉定之劉翊列傳

軒輓耿九疇耿裕年富楊繼宗列傳

卷十二

周忱柴車陳鑑列傳

侶鍾白昂李敏葉洪李孟暘李衍林泮謝士

元夏塤邢表列傳



王驥揚甯侯璉王越列傳

李時勉陳敬宗謝鐸魯鐸趙永劉鉉列傳

卷十三

羅通羅亨信馬昂寇深王來列傳

林聰葉盛朱鑑李侃沈固程信列傳

白圭項忠原傑列傳

王竑韓雍吳琛朱英鄧廷瓚余子俊徐廷璋

列傳

卷十四

金濂張楷張瓚孫仁汪浩陶魯孔鏞毛吉童

目錄

軒張海列傳

韓青种興蔣信周玉周璽董寔和勇張欽神

英列傳

蔣貴任禮趙安譚廣山雲毛忠趙輔李震王

信列傳

卷十五

錢習禮周叙陳音邢讓劉儼錢溥柯潛謝一

卷夔倪謙傅瀚黎淳王華列傳

陳文萬安劉吉列傳

方英毛勝陳友曹義施聚焦禮劉聚列傳



石璞薛希瑾陸瑜石琚薛遠陳翼楊鼎翁世  
資林鶚樊瑩王槩陳俊高明劉孜張鵬列傳  
卷十六

練綱趙啟周軾盛頤張甯王徽莊景黃孔昭  
毛弘魏元鄒智李文祥列傳

孫鏗衛穎董興李文列傳  
彭韶何喬新周經列傳

卷十七

徐溥丘濬劉健謝遷李東陽列傳

卷王恕倪岳馬文升許進列傳

目錄

卷十八

劉大夏戴珊張敷華列傳

卷鄒來學鄒幹王質焦宏孫原貞列傳

胡拱辰章敞李綱彭瓠張悅列傳

黃潤玉劉綱應履平蔡蒙楊琚項騏吳倬張

昂楊峻列傳

何文淵李裕屠瀟蕭維禎俞士悅列傳

卷十九

秦紘潘榮孫需閔珪史琳何鑑列傳

周洪謨楊守陳列傳



張瑄楊信民潘蕃杜銘周季麟列傳

王繼王宇徐源韓邦問徐貫徐恪陳泰陳壽  
列傳

卷二十

張文錦蔡天祐胡瓚張瓚劉源清楚書樊繼

祖蘇祐列傳

王大用翟鵬史道王邦瑞郭宗臯列傳

王忬商大節翁萬達丁汝夔楊宗謙列傳

劉麟陳其學党以平許宗魯劉夔列傳

江東李文進龍大有列傳

目錄

王東平文進龍大有列傳

陳麟陳其學党以平許宗魯劉夔列傳

王忬商大節翁萬達丁汝夔楊宗謙列傳

王大用翟鵬史道王邦瑞郭宗臯列傳

王繼王宇徐源韓邦問徐貫徐恪陳泰陳壽

張文錦蔡天祐胡瓚張瓚劉源清楚書樊繼

卷二十一

卷二十一

王繼王宇徐源韓邦問徐貫徐恪陳泰陳壽

張文錦蔡天祐胡瓚張瓚劉源清楚書樊繼



潛菴先生擬明史稿卷之一

睢州湯 斌潛菴擬

同里田蘭芳箕山評

太祖本紀

太祖開天行道肇紀立極大聖至神仁文義武俊

德成功高皇帝諱元璋字國瑞姓朱氏濠州鍾離

人先世居沛徙句容熙祖徙家渡淮居泗上仁祖

世珍始徙鍾離太祖乃仁祖季子也母淳皇后陳

氏元天歷元年戊辰九月丁丑生於東鄉赤光燭

天如火十歲徙西鄉既長鳳目龍顏奇骨貫頂廓

濬菴先生史稿

本紀卷之一

一

然有大志至正四年旱蝗民大疫皇考妣及伯兄

相次歿太祖年十七貧無以殮鄉人劉繼祖界以

葬地既而二兄他徙求食太祖乃入皇覺寺為僧

踰月僧饑散去太祖西遊至合淝道病有兩紫衣

人與俱病瘥忽不見至六安遇一老人負篋行憊

甚太祖憐之謂曰吾為翁負老人無所讓至暮謂

太祖曰公有奇表貴不可言願自愛太祖辭謝問

姓名不答而去歷光固汝潁諸州凡三年復還寺

所居室夜復有光如晝睹見龍形同侶異之二十一

大關目

年汝潁江淮兵大起十二年春定遠人郭子興據



濠州焚皇覺寺太祖詣伽藍卜出避不吉卽守故  
亦不吉久之祝曰豈當從豪傑舉事耶投筊卽大  
吉念諸將皆無大畧莫可共事者有故人以書來

見起事之慎規模便非常

招太祖不應會元將徹里不花攻濠俘其民太祖  
懼乃以閏三月朔入濠門者疑之執告子興子興

奇其狀貌與語大悅命長九夫凡攻伐在輒勝以  
素所撫宿州馬公女妻焉卽高皇后也軍中呼爲

做事人本領

朱公子太祖智畧絕人而深沈不耀子興與孫德  
崖同起事不相能太祖屢調護之九月元丞相脫  
脫破徐州州將彭早在趙均用奔濠脫脫命賈魯

潛菴先生史稿

本紀  
卷之一

二

進圖之太祖與子興竭力捍禦子興禮早在而輕  
均用德崖與均用謀執子興太祖力救得出十三  
年春賈魯死圍解太祖還里募兵得徐達一見語  
合又得湯和等七百餘人子興喜署爲鎮撫太祖  
以七百人歸別將而獨與徐達等二十四人南畧  
定遠有民兵號驢牌砦孤軍無所屬太祖命費聚  
等以計降之得壯士三千人而東夜襲元張知院  
軍於橫澗山得精甲二萬七月下濳州定遠人李  
善長來謁太祖器之留掌書記無何彭早住等請  
兵同守盱泗太祖辭不往早在死均用專兵柄將



以計殺子興太祖陰使人說均用均用亦憚太祖  
英武子興乃得將所部萬人至滁太祖以部兵三  
萬人歸之居無何子興信讒悉奪太祖兵太祖無  
預征伐而事之愈謹會元兵圍滁他將出輒敗太  
祖直前奮擊衆皆披靡徐引還子興感悟十四年  
春正月張士誠據高郵自稱誠王國號周冬十月  
元將攻之分兵圍六合其帥素與子興隙求救不  
許太祖曰六合與滁唇齒也請行子興曰禱之太  
祖曰無疑何禱爲引兵東據瓦梁壘元兵移攻用  
計給之以其衆還滁元兵不敢逼旣而元兵大至

潛菴先生史稿

本紀  
卷之一

三

將攻滁設伏敗之復陰使人說其將乃解去十五  
年春正月取和陽連敗元兵子興檄太祖守和陽  
踞諸將上諸將多子興舊部曲不相下太祖秘其  
檄晨興諸將皆先入坐席右幾滿時俗尚右太祖  
後至卽坐席左及視事皆矐目相顧不能出一語  
太祖剖決如流衆稍稍屈議分工甃城期三日太  
祖工皆竣而諸將多不就乃出檄南向坐日奉主  
帥命總諸公兵今甃城後期當行軍法諸將頓首  
謝自是皆懼服初諸將破城多暴掠太祖聚所掠  
子女於門令其家相扶攜去民大悅旣而元兵數



萬來攻太祖擊敗之元兵復分屯新塔高望及雞籠山阻我餉道太祖拔其旁砦數出奇兵破之無何郭子興卒會潁川人劉福通奉韓林兒稱帝亳州改元龍鳳國號宋移檄以郭子興子天叙爲都元帥張天祐爲右副元帥太祖爲左副元帥太祖慨然曰丈夫甯能受制於人然是時徐壽輝據蘄州方國珍據台州張士誠在高郵其餘跨州郡僭名號者甚衆而林兒其稟受不苟如此以宋後爲名乃用其年號以令軍中時將謀渡江乏舟楫會俞通海等以巢湖水軍來附喜曰吾事濟矣自往撫之遂以其衆出

潛菴先生史稿

本紀卷之一

四

江口擊敗元蠻子海牙軍六月乘風下牛渚拔采石諸將久饑見糧畜爭取之太祖謂徐達曰今幸克捷當乘勝直取太平若聽諸將掠食江東非我有矣令悉斷舟楫放急流中謂諸軍曰今日破太平會食遂自觀津渡急攻拔其城執元萬戶納哈出總管靳義赴水死太祖曰義士也禮葬之張榜戒戢軍士斬違令卒以徇一軍肅然改太平路爲府置太平興國翼元帥府太祖行大元帥事旗幟尚赤辛酉元阿魯灰等以舟蔽姑孰口斷歸路陳堦先以方山民兵數萬來攻太祖命徐達等迎戰



復遣別將潛軍繞其後夾擊擒堃先衆悉降甲子  
取溧水州秋七月壬辰命張天祐攻集慶路不克  
堃先陽歸附而陰與元軍通太祖知其不誠縱之

歸堃先收餘衆屯板橋僞告堃且請用舟師搗鎮

情勢灼然故足折

江爲持久計太祖報曰歷代以長江天塹故須會

人陰謀

集舟師今大軍旣渡江據上游與前代事異宜乘

時進取紆迴何爲八月丁丑克蕪湖置永昌翼九

月天祐再攻集慶堃先遂與福壽合大破天祐軍

天祐及郭天叙皆死堃先爲青衣軍所殺十二月

壬子釋納哈出北歸十六年春二月大破蠻子海

潛菴先生史稿

本紀卷之一

五

牙於采石三月癸未至江甯鎮俘陳兆先降其衆

三萬六千人擇驍健五百人隸麾下衆不自安至

暮令悉入衛屏舊人獨馮國用侍太祖解甲酣寢

達旦衆相語曰朱元帥赤心待人敢不盡力庚寅

克集慶路元御史大夫福壽力戰死降軍民五十

儼然

餘萬太祖召官吏父老諭之曰元失其政干戈並

沛公入關規模

起我來爲民除亂耳其各安職業毋恐賢士有能

相助爲治者吾禮用之吏勿貪暴以殃吾民舊政

不便者吾爲汝除之於是軍民大喜過望改集慶

路爲應天府置天興翼統軍大元帥府以禮葬福



壽得儒士夏煜等十餘人皆錄用之置上元江寧  
二縣遂定都焉居數日將取鎮江慮兵爲民害召  
諸將素不戢下者欲置之法李善長請救乃免戒  
徐達等曰吾自起兵不妄殺若等宜體吾意丁酉  
克鎮江改江淮府置淮興翼六月乙卯克廣德路  
置廣興翼辛未置行樞密院於太平秋七月己卯  
諸將奉太祖爲吳國公以元御史臺爲府置江南  
行中書省太祖兼總省事置僚佐李善長宋思顏  
爲參議置江南行樞密院帳前總制親兵都指揮  
使司五翼元帥府辛巳土誠寇江淮徐達敗之於

潛菴先生史稿

本紀  
卷之一

六

龍潭遂攻常州不下九月戊寅如江淮府謁孔子  
廟遣儒生告諭父老勤農桑還應天冬十月土誠  
奉書修好請輸歲賦犒軍太祖復書數其開釁召  
兵不報十七年二月戊申克長興置永興翼三月

壬午克常州置昆陵翼夏四月自將攻甯國克之  
得軍士十萬屬縣皆下五月己卯克泰興六月己  
未克江陰秋七月丁丑克常熟庚辰克徽州置雄  
鋒翼九月癸酉婺源州元帥汪同來降甲戌江浙  
平章夏章來降冬十月壬申克池州甲申克揚州

置淮海翼十二月己丑釋囚是年明玉珍據重慶



路十八年春正月甲寅湯和敗土誠兵於常州二  
月乙亥以常遇春爲江南行中書省都督大元帥  
康茂才爲營田使三月己亥錄囚丙辰克建德路  
置德興翼夏四月己巳故天完將趙普勝陷池州  
六月癸酉取浦江謝再興敗友諒兵於石埭甲午  
廖永安敗土誠兵於常熟八月己丑吳良敗土誠  
兵於江陰冬十月辛未取蘭谿置閩越翼甲戌克  
宜興置全吳翼十一月甲子以婺州久攻不下自  
將征之十二月庚辰如徽州召耆儒唐仲寶姚璉  
訪民事賜父老布帛壬午至婺元石抹宜孫自處  
潛菴先生史稿

本紀  
卷之一

七

州來援胡德濟敗之城遂下甲申入城禁剽掠城  
未下前一日五色雲見城西氤氳如蓋太祖駐師  
處也丙戌置中書分省於婺州備官屬置金華星  
源浦江各翼發倉賑貧民下令禁酒召儒士許元  
等十三人直省中進講經史選富民子弟充宿衛  
號御中軍有曾氏女子自言通天文以其惑衆戮  
於市十九年春正月將取浙東戒諸將曰克城以  
武而非仁莫能守也吾比入建康秋毫無犯故一  
舉而定每聞諸將得一城不妄殺輒喜不自勝夫  
師行如烈火人必避之爲將者能以不殺爲武豈



惟國家之利子孫實受其福命知府王宗顯立郡  
學時喪亂之後學校久廢始聞絃誦聲人情懽悅  
戊戌方國珍遣使貢獻胡大海克諸暨置明海翼  
二月甲子士誠寇江陰吳良等擊敗之三月甲午  
赦囚除大逆不道及敵之間諜外皆宥之丁巳朱  
文忠敗士誠兵於建德趙普勝寇太平縣胡惟賢  
敗之又寇樅陽石埭張德興敗之夏四月癸酉徐  
達遣俞通海復池州以達爲奉國上將軍同知樞  
密院事通海僉樞密院事戊寅胡大海敗士誠兵  
於紹興又敗之於蕭山丁亥湯和敗士誠兵於常

潛菴先生史稿

本紀  
卷之一

八

州五月辛亥授胡大海進取方畧還應天八月庚  
午取無爲州九月丁未克衢州置金斗翼十一月  
壬寅克處州置安南翼二十年二月庚申元福建  
行省參政袁天祿等來請隆三月戊子徵劉基宋  
濂章濫葉琛至應天五月丁亥徐達敗陳友諒於  
池州常遇春殺降卒太祖聞之不悅悉釋未殺者  
閏五月丙辰友諒陷太平守將花雲朱文遜院判  
王鼎知府許瑗死之戊午陳友諒弒其主徐壽輝  
自稱帝國號漢約張士誠夾攻應天將引兵東下  
敘事簡括有法  
羣臣皆恐或請先復太平牽制之或請自將迎擊



之太祖皆不可乃先遣胡大海攻信州制其後而  
召康茂才爲書誘致之李善長曰方患之何爲速  
之太祖曰機不可失遲則兩受敵矣友諒見書果  
引兵下太祖遣馮國勝常遇春率帳前軍伏石灰  
山後徐達陣南門外楊璟駐大勝港張德勝朱虎  
出舟師龍江關外太祖總大軍於盧龍山令偃幟  
山左曰舉幟則伏兵盡起乙丑友諒舟至大勝港  
璟整兵禦之友諒退向龍灣時酷暑太祖衣紫茸  
甲張蓋督兵見士卒流汗命去蓋衆欲戰太祖曰  
天且雨趣食乘雨擊之時天無雲衆莫信須臾大

滔菴先生史稿

本紀  
卷之一

九

雨衆心競奮雨止舉幟伏兵盡起達等水陸夾擊  
大破之殺溺死者無筭俘二萬餘人其將張志雄  
等皆降友諒乘別舸脫走於所乘舟中得茂才書  
太祖曰友諒愚至此何能爲也徐達乘勝遂復太  
平取安慶置甯江翼戊寅胡大海拔信州置龍虎  
翼六月辛亥築太平城壬子耿再成敗石抹宜孫  
於慶元宜孫死太祖壯其節遣使祭之秋七月乙  
丑浮梁守將于光降九月戊寅故天完將歐普祥  
降二十一年春正月辛酉以鄧愈爲中書參政仍

僉樞密院事總制各翼軍馬二月甲申立鹽茶法



巳亥置寶源局三月丁丑改樞密院爲大都督府  
以兄子文正爲大都督節制中外諸軍李善長兼  
司馬邵榮爲中書省平章常遇春爲參知政事薛  
顯以泗州降夏四月辛巳李善長爲參知政事五  
月甲戌胡大海鎮金華漢將李明道寇信州元帥  
夏德潤戰死六月丙午大海救信州敗明道於城  
下執之秋七月壬申漢復陷安慶八月巳卯遣使  
通好元平章察罕庚寅自將伐漢戊戌復安慶乘  
風至小孤山傅友德丁普郎降壬寅及友諒戰於  
江州大破之友諒夜奔武昌癸卯太祖入江州甲

潛菴先生史稿

本紀卷之一

十

辰進拔南康斬黃廣濟饒州建昌撫州相繼下二

十二年春正月辛亥漢江西行省丞相胡廷瑞以

龍興降壬戌太祖入龍興開倉庫賑窮乏放友諒

所畜麋鹿於西山悉蠲苛政士民大悅袁瑞臨江

吉安等府相繼下乙亥彭時中以龍泉降二月癸

未金華苗軍蔣英等殺參政胡大海以叛郎中王

愷死之朱文忠遣兵討之英降於土誠丁亥處州

苗軍李祐之等殺院判耿再成以叛都事孫炎知

府王道同元帥朱文剛死之辛卯鄧愈畱守洪都

三月癸亥降將祝宗等叛陷洪都鄧愈走還應天



都事萬思誠知府葉琛死之是月明玉珍自稱帝  
於重慶國號夏四月己卯邵榮克處州李祐之  
伏誅甲午徐達復洪都祝宗亡八新淦伏誅五月  
丙午朱文正鎮洪都六月戊寅察罕遣使來報書  
留我使不遣秋七月丙辰邵榮趙繼祖謀反伏誅  
八月癸巳漢熊天瑞陷吉安十二月丁亥朱文正  
復吉安元戶部尚書張昶航海來通好察罕卒養  
子擴廓帖木兒代將遣使獻馬歸我使者二十三  
年春正月壬寅朔以湯和爲中書左丞丙寅遣都  
事汪河往報擴廓帖木兒書二月壬申朔諭將士

潛菴先生史稿

本紀卷之一

七

曰興國之本在強兵足食昔漢武以屯田定西戎  
魏武以務農足軍食定伯興王莫不由此軍興以  
來民無甯居田土荒蕪故令將士屯田且耕且戰  
數年之間惟康茂才得穀一萬五千石他將所部  
軍不多穫豈地利不均蓋勤惰不同耳其各督軍  
士及時墾種以裕兵食國有攸賴癸酉士誠遣呂  
珍破安豐殺劉福通戊寅移浙江行省於嚴州三  
月辛丑太祖自將救安豐破呂珍兵左君弼自廬  
州來援又破之韓林兒來歸徐達圍廬州元將竹  
昌所都乘間入安豐夏四月壬戌友諒圍洪都乙



丑諸全守將謝再興殺知州樂鳳叛附於士誠五月已巳漢復陷吉安參政劉齊知府朱叔華死之陷臨江同知趙天麟死之癸酉陷無爲州知州董曾死之是月建禮賢館集劉基陶安諸人講論經史張子明來告急秋七月癸酉太祖自將舟師二十萬救洪都友諒解圍迎戰丁亥遇於康郎山太祖謂諸將彼巨艦不利進退可破也戊子徐達破其前軍俞通海以火炮焚其舟二十餘艘漢軍死者甚衆韓成等亦戰死張定邊直犯太祖舟舟膠於沙幾殆常遇春從旁射中定邊俞通海援舟驟

潛菴先生史稿

本紀卷之一

十一

進水湧乃解是夜命徐達還守應天明日友諒以巨舟聯鎖重樓高者十餘丈太祖選輕利鬪艦躬提旛鼓斬隊長退縮者十餘人土皆殊死戰丁普郎等皆死晡時東北風起別以舟載乾荻乘風縱火焚漢樓船數百艘煙焰張天漢之驍將多焚死友諒奪氣鏖戰三日廖永忠等以六舟深入衆軍踴躍相從呼聲動天地友諒遂大敗壬辰移軍泊左蠡友諒亦移瀦磯相持友諒盡殺所獲戰士太祖悉出所俘有傷者療之遣還令曰但獲敵兵皆勿殺遂出湖口立柵以待八月壬戌友諒食盡突



出太祖麾軍擊之友諒中流矢死俘其太子善兒  
其次子埋奔武昌九月壬申還應天論功行賞謂  
諸將曰我救安豐使友諒順流乘虛直搗建康大  
敘事不漏不亢得

本紀體

事去矣乃頓師南昌宜其亡也壬午復親征武昌  
李善長鄧愈畱守是月張士誠自稱吳王冬十月  
壬寅圍武昌漢陽及湖北諸郡皆降追封死事功  
臣張德勝等三人十二月丙申命諸將堅壁勿戰  
還應天戊午閱武雞籠山群臣以功德日隆屢表  
勸進太祖曰戎馬未息瘡痕未蘇天命人心未可  
知也昔武王克商戢干戈橐弓矢大告武成然後

潛菴先生史稿

本紀卷之一

三

與民更始今日之議且止群臣固請二十四年春  
正月丙寅朔卽吳王位建百官下教曰令以李善  
長爲右相國徐達爲左相國常遇春俞通海爲平  
章政事諭善長等曰卿等爲生民計推戴予宜協  
心成治建國之初當先正紀綱元氏昏弱威福下  
移馴致於亂今宜鑒之立子標爲王世子二月乙  
未復視師武昌癸丑陳理降漢沔荆岳皆下李明  
道伏誅乙卯置湖廣行中書省以楊璟爲參政三  
月乙丑還應天丙寅封理歸德侯丁卯置起居注  
給事中戊辰以湯和爲平章政事定大都督府等



官制庚午罷諸翼元帥置十七衛親軍指揮使司  
令曰自古聖王必得賢士大夫以成治今幅員日  
廣卓犖奇偉之才或隱山林或藏士伍非在上者  
尊顯之無由自見有能上書陳治道武略出衆者  
叅軍都督府以名聞卽文采不足而識量可稱亦  
令詣闕將親試之郡縣官年五十以上者雖練達  
政事而精力已衰有司選年二十五以上有學識  
才幹者送中書省叅用之十年之後老者休謝而  
少者已習事則官使得人其下有司使明知予意  
御西樓有軍士十餘自言戰功求賞論之曰爾曹

潛菴先生史稿

本紀  
卷之一

古

不見徐相國乎貴爲元勳而同時相從者猶在行  
伍予豈忘之顧才力弗能過人故也國家名爵惡  
可倖得苟能立大功雖封侯不吝也皆愧服自是  
無敢言者江西行省以友諒鏤金牀進太祖曰此  
何異孟昶七寶溺器亟毀之夏四月建忠臣祠於  
康郎山祀丁普郎等三十五人又建祠於南昌祀  
趙德勝等十四人丙午開鐵冶丁未徐達圍廬州  
左君弼走安豐王戎開鼓鑄立部伍法六月戊戌  
湖廣溪洞長官向思明等來附戊午命群臣直言  
得失秋七月丁丑克廬州戊寅置江淮行省於廬



州八月壬辰常遇春克新淦乙未復吉安遂圍贛  
州九月辛巳命塑功臣像於下壺及蔣子文廟以  
時致祭其南昌及康郎山處州金華太平各忠臣  
廟有司致祭如之甲申徐達取江陵姜瑀以城降  
遂取湘潭辰衡諸郡土司易華降胡深敗方明善  
於平陽冬十月乙未以廖永安爲士誠所執不屈  
遙授江淮行省平章政事封楚國公己未張士信  
侵長興十一月辛巳湯和敗士信於長興是月慈  
利土官覃屋夏克武來附十二月庚寅徐達克辰  
州遂克衡州丙辰新淦鄧仲謙作亂殺知州王貞  
潛菴先生史稿

本紀  
卷之一

五

二十五年春正月己巳常遇春克贛州熊天瑞降  
徐達取寶慶靖州安撫司及諸長官司皆降遇春  
進師南安韶州南雄皆降鄧愈討故漢將饒鼎臣  
於安福何文輝討鄧仲謙斬之甲申大都督文正  
有罪太祖自至南昌執之廢居桐城乙酉閱將士  
二月己丑元福建行省平章陳友定侵處州胡深  
擊敗之遂下浦城丙午士誠將李伯昇寇新城朱  
文忠敗之五月乙亥常遇春克安陸己卯克襄陽  
六月己丑思南宣慰使田仁智來附丁酉王國寶  
會師克安福壬子胡深克樂清朱亮祖克崇安合



攻建甯深被執死之乙卯課民種桑麻木繡秋七月丁巳湯和討叛將周安於永新甲子再與擴廓帖木兒書思州宣撫司田仁厚來附壬午置太史監以劉基爲太史令九月丙辰置國子學明玉珍遣使來通好命都事孫養浩往報書冬十月戊戌下令討張士誠辛丑徐達帥師取淮東乙巳圍泰州敗其援兵癸丑信州賊蕭明犯饒州知府陶安敗之閏月己未太祖如江陰授達方畧戊辰湯和克永新俘周安等以獻誅之庚辰克泰州俘卒五千遣戊辰潭二州時大寒人賜衣履布帛妻子相

潛菴先生史稿

本紀卷之一

七

保皆大悅呼萬歲十一月甲申朔盜陷婺源知州白謙死之辛卯徐達進攻高郵命馮國勝節制高郵諸軍俾達還軍泰州甲午饒鼎臣敗死於茶陵己酉以張昶傳瓚爲中書省參知政事徐達敗士誠兵於宜興十二月乙卯費子賢敗士誠兵於安吉二十六年春正月癸未士誠窺江陰太祖自將救之舟騎並進士誠掠西津而遁康茂才追敗之於浮子門辛卯還應天謂中書省曰大亂未平民多轉徙失本業而軍國之用皆取于民方東作其令有司勸農事勿奪其時論風憲官存大體勿緘



默勿賣直三月癸丑湖廣參政張彬敗周文貴於  
辰州丁卯容美洞宣撫使田光寶等來附青田賊  
夏清四犯慶元浙東按察僉事章溢敗之己巳置  
兩淮都轉運鹽司下令曰向以軍旅方殷民竭力  
供賦而造酒醪以靡穀故行禁酒之令今欲塞其  
源其令農民今歲毋得種糯是月夏明玉珍卒子  
昇立三月丙申徐達克高郵以所俘卒戍沔陽辰  
州賜粟布有差夫索軍中掠人妻女者罪之夏四  
月癸丑明昇遣使來聘乙卯梅思祖以淮安降庚  
申李濟以濠州降壬戌陸聚以徐宿二州降甲子

潛菴先生史稿

本紀卷之一

七

如濠州丁卯沛縣魚臺邳蕭宿遷睢甯皆降戊辰  
方國珍遣使來貢太祖追念皇考妣葬時禮未備  
欲改葬或言王氣已固不宜動乃止置守墓二十  
家鄉里父老來見置酒宴飲極懽召故人汪文劉  
英各賜粟帛曰吾去鄉十有餘年今乃得歸省墳  
墓與父老子弟復相見追念曩時誠可哀痛今不  
得久留父老幸教子弟孝弟力田無遠費瀆淮諸  
郡尚苦寇鈔父老善自愛今爲父老除租賦皆叩  
首謝辛未徐達克安豐獲沂都等竹昌左君瀉皆  
走汴梁分兵破犢廓於徐州五月壬午太祖還應



天見所過多荒蕪論有司招流移庚寅求遺書秋  
七月辛巳復遣使與擴廓帖木兒書是月廖永安  
卒於平江八月庚戌拓應天城作新宮於鍾山之  
陽辛亥命左相國徐達爲大將軍平章政事常遇  
春爲副將軍帥師二十萬東征親誓師祭江諭諸  
將戒士卒守紀律若士誠全城歸命不勞用師苟  
或不然克城之日撫其人民無妄殺人才可用卽  
選用之聞士誠毋葬閭門外爲禁芻牧諸將務相  
輯和達等旣受命太祖問諸將用師宜孰先遇春  
對以當直搗姑蘇太祖曰不然士誠與張天驕潘

潛菴先生史稿

本紀  
卷之一

六

原明相爲手足今不先分其勢遽攻姑蘇掘兵四  
合何以取勝莫若先拔湖州繼收杭州羽翼旣披  
然後移兵姑蘇此萬全之計也癸丑諸將發龍江  
辛酉師至太湖熊天瑞叛降於士誠甲戌敗張天  
驕於湖州又敗士誠於皂林九月乙未朱文忠攻  
杭州己亥明昇遣使來聘廖永忠取德清丙午參  
政蔡哲報聘於蜀冬十月壬子遇春敗士誠兵於  
烏鎮甲子朱文忠攻桐廬十一月甲申張天驕等  
以湖州降辛卯朱文忠下餘杭潘原明以杭州降  
癸卯遂圍平江甲辰送元丑的長壽北還蔣英伏



誅于二月己未置浙江行中書省於杭州以李文忠爲平章政事陳友定將阮德柔以建甯來降始定議以明年爲吳元年甲子立郊壇宗廟祭告山川所司進宮殿圖命悉去雕琢奇麗者

代僉和之風基此

吳元年春正月戊戌令曰太平應天諸郡吾渡江開創地供億先勞其免太平租二年應天鎮江甯國廣德各一年論中書省進箋必寓警戒毋飾虛美戴德取沅州李勝降庚子松江嘉定降甲辰復與擴廓帖木兒書二月丁未傳友德執擴廓將李王於徐州壬子章濫討茗洋叛將周遂卿斬之癸

潛菴先生史稿

本紀卷之一

五

丑置兩浙都轉運鹽司乙丑書諭左君弼歸其母於陳州三月戊寅蔡哲歸自蜀圖所經山川扼塞以獻壬午楊璟取澧州思沅安撫使來附丁酉始設文武科取士賑靈壁虹縣流民夏四月丙午克崇德州壬子論起居注詹同等史貴直筆所以鑑也凡子言行善惡直書毋有所諱乙卯中書平章政事俞通海卒己未下書詰責方國珍擁兵觀望十二罪丁卯李文忠調兵戍沿海州縣五月旱齋居減膳己丑湖廣行省討平江寨賊王世明執之己亥初置翰林院以陶安爲學士令曰予以布衣



撫定江左十有三年中原之民流離顛頓無有所歸徐宿濠泗壽邳海安襄陽安陸等郡縣及自今

新附之民皆復田租三年六月甲寅罷參議府戊

辰大雨羣臣請復膳太祖曰亢旱爲災皆予不德

所致今雖得雨損稼必多縱肉食能甘之乎其賜

民今年田租癸酉命朝賀罷女樂誅參知政事張

昶秋七月乙亥閱定雅樂丙子除郡縣官五百三

十四人賜布帛道里費及其父母妻子有差論之

曰以養汝廉奉公無漁民也甲申左相國李善長

等請曰大王起濠梁不階尺寸遂成大業四方羣

潛菴先生史稿本紀卷之一

雄削除殆盡遠近莫不歸心願早正大位以承天

命太祖曰自古帝王知天命已歸猶且謙讓以俟

有德嘗笑陳友諒初得一隅妄自尊大驕恣速亡

吾豈能更蹈之己丑雷震宮門鴟吻赦中外罪囚

辛丑置太常大理司農將作四司八月祭西園丘

方丘及社稷壇成甲寅命協律郎冷謙定樂丙寅

祀山川還宮諭世子等戒盈滿謹怠荒徵江西儒

士顏六奇蕭飛鳳劉千至都以老疾賜帛遣還九

月甲戌太廟成命朱亮祖討方國珍戊寅詔先王

之政罪不及孥自今除大逆不道外毋連坐辛巳



徐達克平江執張士誠以獻熊天瑞伏誅癸未取

無錫州乙酉取通州丁亥諸將大會京師己丑張

士誠自殺辛卯置宣徽院丁酉朱亮祖攻台州敗

方國珍指揮嚴德戰死戊戌遣使送元宗室神保

大王及黑漢等九人於元主再以書遺擴廓帖木

兒賜之文綺辛丑論平吳功封李善長宣國公徐

達信國公常遇春鄂國公餘將士賞賚有差克台

州癸卯新宮成命博士熊鼎書古人行事可鑒戒

者於壁又書大學衍義於兩廡曰前代宮室多施

繪畫予以爲無益故書此以備觀省冬十月甲辰

潛菴先生史稿

本紀卷之一

三

遣起居注吳琳等以幣求遺賢於四方乙巳徙蘇

州富民實濠州丙午定百官禮儀尚左改右丞相

爲左丞相建元臣余闕祠於安慶李黼祠於江州

壬子置御史臺及各道按察司以湯和爲左御史

大夫鄧愈爲右御史大夫劉基章溢爲御史中丞

諭之曰國家立三大府總天下之政臺憲尤爲清

要治人者必先自治詩云剛亦不吐柔亦不茹此

大臣之體也卿等勉之癸丑以方國珍未下命御

史大夫湯和爲征南將軍僉大都督府事吳禎爲

副討之甲寅初定律令丙辰以書諭元將李思齊



張思道丁巳宴功臣於西樓戊午考正太廟雅樂

庚申與諸將謀北伐常遇春請直搗元都太祖曰

神謀妙筭不滅漢世神唐太宗而正大過之

彼建都百年城守必固苟懸師深入自頓堅城之

真不世出英王也

下餽餉不繼外援四集此危道也吾欲先取山東

撤其屏蔽旋師河南披其羽翼拔潼關而守之扼

其門戶天下形勝在我掌握然後進兵元都則彼

勢孤援絕不戰可克豈行而西雲中九原以及關

隴可席捲而定矣諸將皆曰善甲子命右丞相信

國公徐達為征虜大將軍中書平章軍國重事鄂

國公常遇春為副將軍帥師二十五萬北取中原

潛菴先生史稿

本紀卷之一

三

中書平章胡廷瑞為征南將軍江西行省左丞何

文輝為副將軍取福建湖廣行省平章楊璟左丞

周德興取廣西禱祭大誓諸將乙丑遣世子詣臨

濠謁陵丙寅檄諭齊魯河洛燕薊秦晉之人己巳

以大軍北征恐脫因帖木兒乘間竊發申論邊境

守將嚴兵備禦蔡添祿取寶慶新化朱亮祖克溫

州辛未壬宣遣使上表賀平吳請內附十一月癸

酉朱亮祖敗方明善於樂清乙亥明昇遣使來聘

辛巳湯和克慶元國珍浮海壬午壬宣叛徐達討

斬之乙酉定大都督府及各衛官制康茂才同知



都督府事己丑湯和廖永忠會師討國珍甲午視  
圍丘命世子歷農家觀稼穡艱難乙未冬至初頒  
戊申大統歷令自明年以十月朔頒歷爲定期戊  
戌命侍臣舉賢良己亥聞應天有滯獄曰京師且  
然何況郡縣諭有司自今依時決遣庚子韓政克  
滕州辛丑徐達克益都十二月甲辰頒行律令丁  
未張興祖下東平兗東邵縣皆下置尚寶司己酉  
徐達下濟南胡廷瑞下邵武庚戌張興祖下濟甯  
方國珍降丁巳胡廷瑞下建陽徙方國珍官屬居  
濠州戊午頒律令直解命湯和廖永忠自海道取

潛菴先生史稿

本紀  
卷之一

三

福建左相國李善長率羣臣奉表勸卽帝位三請  
皆不許明日復率羣臣固請曰大王謙讓之德聞  
於海內然天命不可違願爲生民計狗羣臣之請  
太祖曰孤以中原未平不敢遽自稱尊卿等言爲  
生民計其勉從卿辛酉李善長等進卽位儀甲子  
告於上帝戊辰登州萊州降湯和克福州是歲定  
各縣爲上中下三等減金華田租  
洪武元年春正月己亥卽皇帝位於鍾山之陽告  
於南郊定有天下之號曰大明建元洪武祭告太

廟追尊皇高祖考曰玄皇帝廟號德祖高祖妣曰



元皇后皇曾祖考曰恒皇帝廟號懿祖曾祖妣曰  
恒皇后皇祖考曰裕皇帝廟號熙祖祖妣王氏曰  
裕皇后皇考曰淳皇帝廟號仁祖妣陳氏曰淳皇  
后還御奉天殿立皇后馬氏世子標爲皇太子以  
李善長爲左丞相徐達爲右丞相餘功臣進爵有  
差丙子詔告天下追封皇伯考以下爲王命製宗  
廟祭器曰禮順人情俗儒泥古好用古籩豆之屬  
甚無謂今太廟服御器用皆如事生之儀丁丑奉  
天殿宴羣臣戊寅遷新宮方國珍入朝賜第居京  
師卒已以中書左丞相宣國公李善長兼太子少

潛菴先生史稿

本紀卷之一

五

師中書右丞相信國公徐達兼太子少傅中書平  
章軍國重事鄂國公常遇春兼太子少保右都督  
馮宗異兼右詹事中書平章政事胡廷瑞廖永忠  
李伯昇兼同知詹事中書左丞趙庸右丞王溥兼  
副詹事中書參政楊憲傅巖兼詹事丞同知大都  
督府事康茂才兼左率府使張興祖兼右率府使  
大都督副使顧時兼同知左率府事孫興祖兼同  
知右率府事大都督府僉事吳禎兼左率府副使  
耿炳文兼右率府副使御史大夫鄧愈湯和兼諭  
德御史中丞劉基章濫兼贊善大夫治書侍御史



文原吉范顯祖兼太子賓客論善長等曰前代廷

臣與宮僚不協讒構易生朕以省臺勲舊輔導東

宮兼選名儒爲之賓友崇德尊賢上下無間如斯

百年太子皆無動搖者

遠慮所以三

制也江克之奸無自而作論羣臣進謹言戒省府

功臣無驕盈保祿位癸未楊璟敗元兵於永州寶

慶衛百戶周迪戰死遣官祭之甲申命周鑄等一

百六十四人覈浙西田論以賦役不均則百姓怨

咨無妄增損以病民賜衣遣之王辰胡廷美克建

甯已亥遣官詣登萊祭海庚子以翰林學士陶安

知制誥監修國史命鄧愈爲征戍將軍取南陽以

潛菴先生只稿

本紀卷之一

三五

北州郡是月湯和下興化克延平執陳友定以獻

誅之郡縣官來朝論以天下初定百姓財力俱困

如此安得不異

祭養愛民

休息在廉吏賜勅遣之三月壬寅詔定圜丘方丘

宗廟社稷禮湯和下漳州癸卯以平章廖永忠爲

征南將軍參政朱亮祖爲副取廣東汀州泉州降

丁未以太牢祀孔子於國學仍遣使詣曲阜致祭

戊申始祭大社大稷庚戌定宗廟時享禮養特祭

餘三時合祭詔衣冠如唐制禁襲蒙古服式語音

及姓名者癸丑常遇春克東昌甲寅楊璟取寶慶

敗周文貴遂下邵陽命左丞相李善長祭告四瀆



已未諭侍御史文原吉等曰日月之行猶有薄蝕朕舉事豈能盡善比來臺臣久無諍言豈朕不能聽受耶乙丑初定役法諭興作必於農隙戊辰始定祭天地宗廟社稷冕服之制庚午追封皇姊爲孝親公主以李貞爲駙馬都尉封思親侯庚午選國子生周琦等待太子讀書禁中三月辛未諭翰林學士朱升纂述女誠鑄洪武通寶錢制凡五等壬申楊璟克全州癸酉遣官祭仁祖陵及魯山淮瀆以太牢祀三皇甲戌賜武臣繡衣諭以親賢士大夫以廣其識癸未楊璟下常甯近臣請開山東

潛菴先生史稿

本紀卷之一

三

銀場不聽丙戌武岡州隆衍聖公孔希學來朝戊子諭山東郡縣訪求賢才及廢官復諭徵賢各從其志不得驅迫流寓願歸鄉者聽辛卯彗星見昴北凡十九日滅丁酉鄧愈克南陽己亥編存心錄徐達取汴梁左君弼竹昌隆夏四月辛丑蘄州進竹簞卻之命四方非奉詔毋輒貢獻元江西分省左丞何真以廣東諸郡縣降丁未始裕享太廟戊甲命圖古孝行及身所歷艱難起兵戰伐事爲冊示子孫徐達常遇春大破元兵於洛水遂拔河南路廖永忠取龍潭元國子監祭酒孔克堅來朝賜



宅一區馬一匹月給米二十斛乙卯徵河南儒士  
睢明義等至京廖永忠執邵宗愚斬之廣東平丙  
辰諭侍臣曰宦官典兵預政禍亂由之履霜堅冰  
可不慎諸丁巳楊璟克永州癸亥置山東行中書  
省以汪廣洋爲參政追封胡深爲縉雲郡伯甲子  
車駕北巡丙寅馮宗異入潼關李思齊張思道遁  
去五月癸酉袁州衛百戶艾明擊山寇戰死遣官  
祭之巳卯梧州降庚寅幸汴梁改汴梁路爲開封  
府癸巳置中書分省於開封以楊憲署省事是月  
潯貴諸州皆下六月庚子大將軍徐達等入見行

潛菴先生史稿

本紀  
卷之一

三

在所壬寅親祀開封諸神祇遣官祭境丙山川巳  
未徐達常遇春會師北征壬戌楊璟朱亮祖會兵  
克靖江沐英破金子隆於延平戊辰廖永忠下南  
甯江西江水暴溢壞民廬舍遣使振恤是月遣使  
祭元故平章察罕秋七月巳巳鄧愈取隨州廣西  
左右江土官皆降壬申遣使授大將軍徐達北征  
陣圖丙子勅北方府縣官民新附凋瘵將何以安  
養之無使流移其簡徭役以厚其生勸孝弟以正  
其俗無負朕意命中書給賞以風勵之戊子象州  
降廣西平巳丑康茂才取安邑庚寅振恤中原民



老稚孤貧者丙申馮宗異留守開封丁酉皇太子

攝享太廟都下火天將軍徐達等會師東昌南海

縣民關敏討賊被殺贈官立祠揚州自五月至是

可謂不遺幽隱矣

月不雨傷稼閏月庚子徐達取衛輝癸卯取彰德

丁未車駕還京師徐達取廣平己酉徵天下薦舉

賢才授府州縣官賜路費遣之庚戌詔定軍禮王

子常遇春克德州辛酉徐達師次直沽癸亥大敗

元兵於河西務乙丑克通州丙寅元王北遁李文

忠執金子隆福建平以水旱除蘇州太平甯國諸

府田租八月己巳詔曰頃幸大梁父老皆曰宋之

潛菴先生史稿

本紀卷之一

天

舊京四方朝貢道里適均夫宅中圖大則形勢重

建邦啟土則根本先其以應天府爲南京開封府

爲北京朕春秋巡狩焉庚午徐達入元都壬申以

災異論羣臣修省詔中書省集耆儒議便民事可

弭天變者甲戌革漢張道陵喬孫天師號丁丑遣

官釋奠孔子定春秋二仲祀孔子儀初設六部以

滕毅爲吏部尚書楊思義戶部尚書錢用壬禮部

尚書陳亮兵部尚書周禎刑部尚書單安仁工部

尚書以將作隸工部罷司農大理二司御史中丞

劉基還青田己卯詔天下與民更始赦殊死以下



有司厚恤從征將士家逋逃者得自首新克州郡  
妄殺者罪之輸賦京師道里遠者官爲轉運毋重  
困民鎮江密邇京師供億繁難旱熯尤甚給復兩  
年所在荒田聽民墾種給復三年衍聖公及曲阜  
知縣並如前代制復其家頃因亂刑民往往用軍  
律中書詳議務從中典決囚必待秋後書籍田器  
不得徵稅除逋租宿責勿收蒙古色目人有才能  
者擢用收恤鰥寡孤獨廢疾不能自存者民年七  
十以上一子侍御史臺按察司慎選賢良方正之

人以佐國家儒臣同刑部官詳議唐律日奏二十

潛菴先生史稿

本紀卷之一

元

條取進止壬午改大都路爲北平府車駕北巡癸  
未置燕山六衛於北平賜長興安吉明年田租戊  
子徐達分兵畧大同癸巳幸開封府甲午放元宮  
人命乘輿服御物當飾金者易以銅九月壬寅以  
孫興祖領大都督分府鎮北平江西行省參政陶  
安卒戊申取永平癸亥詔曰朕惟天下之廣必賴  
賢士共理之今賢士隱巖穴者尚衆豈有司失於  
敦勸歟朝廷疏於禮待歟抑朕寡昧不足以致賢  
歟將在位者壅蔽使賢者不上達歟賢士大夫幼  
學壯行豈沒世而已哉朕願與諸儒講明治道有



能輔朕安民者有司禮遣賜將士陣亡者米布乙  
丑常遇春徇下保定丁卯下中山冬十月戊辰明  
昇遣使賀平元都已下真定庚午馮宗異下懷  
慶辛未皇太子攝享太廟癸酉下澤州乙亥以滕  
毅爲江西行省參政盛原輔爲吏部尚書丙子命  
郡縣考正祀典丁丑車駕還京師馮宗異下潞州  
戊寅以元都平詔天下己卯誣告謀反者反坐著  
爲令戊子徙北平軍民於開封置京畿都漕運司  
辛卯汪河奉使還擢吏部侍郎癸巳傅友德下平  
定州甲午司天監進元王所造水精宮刻漏謂侍

潛菴先生史稿

本紀  
卷之一

三

臣曰廢萬幾而用心於此所謂作無益害有益也  
使移此心以治天下何至亂亡命碎之丁酉浚後

湖及龍灣河十一月己亥遣文原吉等循行天下

求賢才庚子有事於圜丘還告太廟御殿行慶成

禮辛丑宴羣臣於奉天殿宴東宮官及儒士於大

本堂帝自作時雪賦命儒臣作鍾山龍蟠賦各賜

冠服甲辰以孔子五十六世孫希學襲封衍聖公

諭禮臣曰孔子萬世帝王之師後嗣秩止三品不

稱褒崇其進秩二品賜銀印丙午詔郡縣各立社

稷壇庶人祭里社土穀禁淫祠癸丑以盛原輔爲



山東行省參政張明善爲吏部尚書周禎爲治書  
侍御史戊午康茂才克河中癸亥以手書召御史  
中丞劉基於青田甲子詔定冠禮定臨朝冕服及  
王公以下冠服之制是月金商均房諸郡平十一  
月丁卯以汪廣洋劉惟敬爲中書省參政錢唐爲  
刑部尚書錢用壬致仕徐達破擴廓帖木兒兵遂  
克太原乙巳置登聞鼓於午門外御史監視引奏  
告寃者庚午徐達分兵擊賀宗哲於石州辛未詔  
定官民喪禮壬申改宣徽院爲光祿寺太史院爲  
司天監癸酉詔定皇太子以下婚禮乙亥馮宗異  
潛菴先生史稿本紀卷之一

本紀卷之一

三

克平陽戊寅徐達與諸將會師太原己卯以戶部  
侍郎杭琪爲本部尚書辛巳起復濟南府知府崔  
亮爲禮部尚書壬午馮宗異克絳州丁亥築壇祭  
故功臣於雞籠山壬辰以平元都遣使頒詔高麗  
安南以書諭明昇

金商均房諸郡平十一

汪廣洋劉惟敬爲中書省參政錢唐爲

刑部尚書錢用壬致仕徐達破擴廓帖木兒兵遂



潛菴先生擬明史稿卷之二

潛菴先生擬明史稿卷之二

潛菴先生擬明史稿卷之二

太祖本紀

重今六合

一

二年正月辛丑命天下祀典神祇有司依時致祭不在祀典而功德及民者其祠毋得輒毀甲辰以蔡哲爲中書省參政乙丑立功臣廟於雞籠山丁未享太廟以廖永安等七人配定翰林院官制庚戌遣官分祭嶽鎮海瀆遣孔克堅祀孔子於闕里詔曰朕起布衣拯生民塗炭命將此征齊魯之民

潛菴先生史稿

本紀卷之二

一

簞食壺漿以迎朕甚嘉之元年已免山東租然苦旱民尚未甦近平燕都下晉冀其民數被兵困徵斂尤甚其免山東北平山西今年租稅河南師旅所經未遑加惠今大軍已北西抵潼關北界大河南至唐鄧光息悉與蠲免稱朕恤民厚下之意又詔曰朕肇基江左應天鎮江太平甯國廣德爲吾股肱郡供億煩重今六合一家我子孫百世何能忘江左之民去歲曾免田租忽罹天災惠而不及朕心缺焉其復免諸郡及無爲州租一年癸丑更定太廟時享日期用清明端午七月望冬至築壇



祀馬神於後湖乙卯遣使以卽位詔諭日本占城  
瓜哇西洋諸國已未製太廟四代帝后冠服成命  
各以二襲藏於廟仍各別具二襲祝告焚之庚申  
勅諭太原諸將定大將軍以下位次常遇春取大  
同振湖廣饑是月倭寇登萊二月丙寅詔修元史  
遣使詔諭雲南戊辰遣官祭武成王廟己巳占城  
入貢辛未遣使以璽書賜占城瓜哇日本諸國乙  
亥立仁祖陵碑上陵名曰英陵壬午耕籍田三月  
丙申以旱災祭告皇考妣曰祖宗德配皇天以有  
今日念微時荒歉父母茹草雜炊痛何敢忘茲者

潛菴先生史稿

本紀  
卷之二

二

風雨不時願與后如草蔬糲食以答天譴丁酉遣  
中書參政蔡哲祀三皇立十八壇親祭祈雨徐達  
師入奉元路張思道遁去改奉元路爲西安府振

關中饑丙午常遇春師入鳳翔李思齊遁去戊申

諭翰林爲文宜明道理通世務無事浮藻癸丑置

爲文之要盡此

北平廣西二行中書省以盛原輔爲北平參政劉

惟敬爲廣西參政甲寅以劉希魯爲刑部尚書傅

友德克鳳州戊午論中書省臣曰太學育才之地

所以興禮樂明教化古帝王建國君民以此爲先

朕承困弊之餘首建太學禮聘師儒今學者日衆



而齋舍卑隘不足以居其令工部增益學舍必高  
明軒敞使游息有地成德達才可望焉夏四月乙  
丑遣高麗流人還國以璽書賜其國王丙寅常遇  
春還師北平丁卯徐達取隴州戊辰置陝西山西  
二行中書省以汪廣洋爲陝西參政楊憲爲山西  
參政改河南分省爲行省己巳命博士孔克仁等  
授諸皇子經令功臣子弟入學庚午徐達取秦州  
甲戌入伏羌乙亥編祖訓錄以單安仁爲兵部尚  
書孫克義爲工部尚書致書元主併賜元將納哈  
出書徐達取鞏昌丙子賜秦隴等郡田租丁丑馮

潛菴先生史稿

本紀  
卷之二

三

宗異取臨洮李思齊降顧時取蘭州己卯徐達取  
安定州所向皆捷遂次開城是月太倉衛指揮僉  
事翁德破倭寇陞秩賞賚軍士有差淮安寧國鎮  
江揚州台州各獻瑞麥命自今可停獻瑞五月甲  
午朔日有食之更英陵曰皇陵遣使詔諭土蕃丁  
酉徐達取平涼遂下延安辛丑張良臣以慶陽降  
癸丑有事於方丘還告太廟御殿行慶成禮乙巳  
幸鍾山歸至獨龍岡見農夫冒暑而耘遂徒步至  
淳化門始騎入顧侍臣曰民惟邦本司牧者何可  
不念也戊申張良臣以慶陽叛癸丑置福建行中



書省以蔡哲爲參政辛酉詔太常凡時物先薦宗廟然後進御御史中丞章溢卒追封淳皇后父陳公爲楊王母王氏爲楊王夫人皇后父馬公爲徐王母鄭氏爲徐王夫人建廟於太廟之東六月甲子甯州降庚午遣官祭蘭山壓死軍士己卯常遇春李文忠克開平元至北遁壬午安南入貢遣翰林院侍讀學士張以甯典簿牛諒封陳日燿爲安南國王壬辰追封嚴德爲天水郡公秋七月癸巳以世家寶爲刑部尚書乙未遣儒士歐陽佑十二人往北平采元末事蹟修元史己亥副將軍鄂國

潛菴先生史稿

本紀卷之二

四

公常遇春薨於軍丁未廣西各土司入貢命世襲如故中書省臣請遷諸洞蠻於內地不許丙辰明昇遣使來貢八月癸亥親祭鄂國公遇春於龍江甲子高麗國王王顥遣使來賀卽位請封爵乙丑賜明昇璽書遣其使還國丙寅元兵攻大同李文忠敗之執脫列伯降其衆萬餘人已已命吏部定內侍諸司官制諭之曰此輩止備使令不須多人馭之道當常使之畏法不可使之有功有功則驕恣畏法則檢束自古宦者敗人國家歷有炯鑒世世子孫慎之左丞相李善長等上所修元史乙



亥鎮撫吳祐敗倭寇於淮安丙子遣符璽郎傑斯封王顥爲高麗國王壬午以給事中安統爲兵部尚書癸未徐達克慶陽張良臣伏誅戊子以陸仲亨署大都督府事庚寅命儒臣纂修禮書詔天下舉高志博學練達時務之士年四十以上者禮聘至京參考古今制度以定一代之典其年過五十未及四十非深通經術者勿遣九月甲午賀宗哲寇蘭州馮宗異擊敗之辛丑召徐達等還京馮宗異留總軍事以楊憲爲中書省右丞王居仁爲兵部尚書癸卯詔以臨濠府爲中都建城郭宮室如

潛菴先生史稿

本紀卷之二

五

京師之制初行考績法復和州歿王事者之家丙午高麗賀天壽節占城入貢癸丑考宮懸制度詔有司舉通律呂者甲寅初製鐵券乙卯吐蕃寇洮河指揮韋正敗之丁巳賜元平章歐陽朝佐等二百六十八人冠帶授官有差戊午征南將軍廖永忠等班師還皇太子迎之其重有功如此龍灣仍送歸第冬十月壬

戌高麗使還以璽書賜其國王王顥諭以持危保國之道仍賜王冠服大統歷六經四書漢書通鑑併樂器及陪臣冠服遣楊璟招諭明昇己巳以陳亮爲中書省參政知吏戶禮三部事甲戌甘露降



於鍾山危素請告祖廟宣示史館不許庚辰圖信  
國公達開平王遇春戰蹟於功臣廟癸未以睢稼  
爲中書省參政潭州衛指揮同知丘廣爲總兵官  
指揮僉事胡海左君弼副之討江左上思州蠻寇  
辛卯詔曰古帝王育人才正風俗莫先於學校兵  
興以來人習干戈罔識俎豆朕欲復先王之治其  
令天下郡縣皆立學校是月遣使致書元主告以  
順天道以存宗祀十一月壬辰大將軍徐達等還  
自陝西甲午以孫克義爲河南行省參政安統爲  
山西行省參政乙未以張允爲工部尚書劉誠爲

潛菴先生史稿

本紀卷之二

六

兵部尚書乙巳有事於圜丘以仁祖配己酉復以  
周禎爲刑部尚書貶世家寶爲廬陵縣知縣庚申  
以朱昭爲戶部尚書楊思義爲陝西行省參政辛  
酉以侯至善爲中書省參政樊思民爲戶部尚書  
振應天蘇松杭湖饑十二月壬戌遣編修羅復仁  
主事張福詔諭安南占城各罷兵貶朱昭爲蘇州  
府知府以樊思民爲大都督府參議戊辰楊璟使  
蜀還李文忠俘脫列伯以獻帝曰惟才是用也釋  
其縛而官之甲戌遣中書省管勾甘桓等封阿答  
阿者爲占城國王高麗謝封爵辛巳馮宗異還自



陝西以未召輒還詰責之王午詔以安南高麗國山川著之祀典甲申振西安饑己丑大賚平定中原及征南將士庚寅擴廓寇蘭州指揮于光赴援死之是月上思州蠻寇平是歲置河東河間長蘆陝西福建都轉運鹽使司及各提舉司

三年春正月癸巳命信國公徐達爲征虜大將軍出定西浙江行省平章李文忠爲左副將軍出居庸北征命肅朝儀非侍從大臣不得上殿甲午諭御史臺按察司振肅紀綱無負風憲之任來安知府岑漢忠及其弟漢良招諭雲南十六郡縣因以

潛菴先生史稿

本紀卷之二

七

兵守其土上聞遣使賜以文綺上尊仍命招諭未附者定朝日夕月禮庚子遣使祀安南高麗占城國內山川壬寅吏部請除有罪官於僣崖諸郡帝曰四海一家僣崖亦王土宜撫以良吏奈何居罪人耶辛亥以胡惟庸爲中書省參政丁巳命戶部主事李亨馳驛振西安鳳翔饑以滕德爲兵部尚書貶周禎爲惠州府經歷以班用吉爲刑部尚書二月辛酉帝行後苑見乳鵲嘆曰鳥劬勞若是况父母恩乎命群臣親老者歸養甲子祀先農乙丑

詔續修元史庚午召浙西富民入見賜酒饌戒諭



數千言因頒行之曰教民榜甲戌肇慶府經歷裴源遇賊不屈死之贈官二等丙子朝日東郊癸未追封郭子興爲滁陽王妻張氏爲王夫人立廟滁州乙酉指揮金朝興取東勝州戊子詔曰國家稽古建官期臻至治六部政繁任重而在位未盡得人<sub>有司其悉心訪求賢才可任部務者是月李文忠下興和進兵察罕腦兒執元平章竹貞三月庚寅詔蠲應天各郡浙東江西河南北平山東租稅壬辰享太廟以常遇春配戊戌蠲徐州邳州夏稅庚子置秘書監壬寅以吳琳爲吏部尚書滕德李</sub>

潛菴先生史稿

本紀卷之二

八

廷桂爲戶部尚書己酉貶杭琪爲陝州知州是月遣使詔諭日本置察言司夏四月乙丑冊封皇子棧爲秦王桐晉王棣燕王橚吳王楨楚王樽齊王梓潭王杞趙王檀魯王從孫守謙靖江王設置相傳官屬詔告天下丙寅置大宗正院徐達大破擴廓於定西己巳再與元主書壬申安南以其國王陳日燿卒來告哀遣編修王廉往祭賻吏部主事林唐臣賚詔封日燿爲國王祭漢伏波將軍馬援於橫州遣親王祭功臣廟庚辰置弘文館癸未以楊憲爲中書省左丞置磨勘司是月元主殂於應



昌慈利士司單虛作亂楊璟討之不克五月己丑  
徐達取興元鄧愈招諭吐蕃甲午置司農司於河  
南乙未冊孫氏爲貴妃吳氏克妃郭氏惠妃郭氏  
甯妃達氏定妃胡氏順妃申嚴宮闈之禁丁酉詔  
舉博學篤行之士李文忠次開平大敗元兵都督  
孫興祖等戰死己亥詔曰成周取才貢士漢唐及  
宋各有定制前元依古設科待士甚優其後權勢  
之家引納奔競所得資品或反高於貢士士恥與  
並進往往遯跡山林朕建官惟賢自今年八月始  
設科舉之制士有經明行修博通古今名實相應

潛菴先生史稿

本紀卷之二

九

者親策於廷中外文臣皆由是選非是毋得出身  
安南高麗占城皆得以鄉貢試京師甲辰李文忠  
克應昌獲元主孫買的里八剌乙巳建齋宮於圜  
丘方丘之間丁未行大射禮戊申有事於方丘以  
仁祖配定服色尚赤甲寅鄧愈克河州丙辰蠲蘇  
州逋租三十餘萬石蔚州安定縣大風雨雹傷稼  
詔自渡江以來先鋒元帥及都尉指揮子孫不能  
承襲者祿其家遣使以書諭納哈出以汪廣洋爲  
右丞相帝以久旱齋戒后妃執爨爲農家食太子  
諸王親饋六月戊午朔四更帝布服草履步禱山



川壇席幕露坐晝曝烈日夜則卧地凡三日還宮  
仍齋於西廡辛酉大賚將士疏獄囚求天下通經  
術明治道者壬戌大雨癸亥詔嶽鎮海瀆城隍諸  
神皆稱山水郡縣本名罷前代封號甲子設御史  
糾儀禁官民禳告星斗僧道建醮用青詞及白蓮  
等教扶鸞呪水諸術庚午改司天監爲欽天監壬  
申左副將軍李文忠捷表至命凡仕元者勿賀論

更屬天地之星

取

中書省曰元立國百年朕之祖父皆享其太平天

訖其運於朕何與捷音誇誕朕甚不取謚元主曰

未見有此氣象

順帝癸酉李文忠送元主孫買的里八剌至京封

潛菴先生史稿

本紀卷之二

十

崇禮侯安南國王陳日烜遣使謝恩貢方物丙子

祭告天地於南郊丁丑祭告太廟頒大一統詔於

天下編修羅復仁主事張福還自安南以不受餽

獎之戊寅諭雲南八番西域西洋瓊里瓜哇畏見

諸國振溧水縣水災詔天下府州縣立城隍廟庚

辰右丞相汪廣洋罷葬宋理宗顱骨於故陵元四

大王犯大同指揮桑桂鄭亨擊敗之辛巳命州縣

立義塚移江南民田臨濠給復三年癸未增廣太

學生置親軍都尉府及儀鸞司灤州水延安雨雹

蠲田租是月倭寇浙閩沿海官兵擊敗之除臨濠



稅糧吐蕃宣慰使何瑣南普等來降秋七月丁亥翰林學士宋濂待制王禕等進續修元史壬辰立碑午門外刻國家政令可爲定制者辛丑革察言司壬寅賜文武官朝服公服甲辰明昇遣使來獻楠木乙巳吏部尚書吳琳致仕河南田生蟲食麻菽命官捕之甲寅以王興福爲吏部尚書陶凱爲禮部尚書山東自五月至是月不雨青州蝗申書左丞楊憲有罪誅八月丁巳遣官釋奠孔子勅衍聖公致祭闕里官具牲幣歲爲常乙未都督同知康茂才卒命中書定職官居室輿服等第遣使招

潛菴先生史稿

本紀卷之二

十一

諭吐蕃暹羅諸國占城入貢高麗謝賜冕服納元所授金印乙丑京師大雨水振之戊辰改應天府知府爲府尹陶凱請御膳奏樂以征戰未息不許禁官民服器僭用黃色及繪帝后聖賢像日月龍鳳等形者戊寅詔諭三佛齊淳泥真臘等國己卯夕月西郊癸未更定宗廟四時祭期用孟月並歲除凡五祭乙酉命掩骼埋胔九月庚寅以程昱爲戶部尚書丙申盜襲莒州同知牟魯死之庚子以商嵩爲吏部尚書蔣思德戶部尚書楊訓文禮部尚書劉大昕刑部尚書安然安慶工部尚書壬寅



以李謙爲中書省參政瓜哇西洋入貢癸卯天壽節祭太廟癸丑高麗入貢賀皇太子千秋節修大明集禮成冬十月丙辰命儒士於午門與諸將帥誦說經書賜畿內郡縣孤獨癘疾者布人一匹辛酉高麗賀天壽節不及禮其使而遣之癸亥命江夏侯周德興爲征南將軍討慈利土酋覃厘及諸洞蠻辛巳遣使致書元太子愛猷識里達臘是月周德興至慈利覃厘遁去十一月壬辰大將軍徐達左副將軍李文忠班師還軍駕勞於龍江甲午告於郊廟以宋冕爲戶部尚書丙申大封功臣進

潛菴先生史稿

本紀卷之二

十一

李善長爲韓國公徐達魏國公封開平忠武王常遇春子茂爲鄭國公李文忠曹國公馮勝宋國公鄧愈衛國公湯和等侯者二十八人帝與諸將從容宴語曰天下一統諸將力也徐達頓首曰臣等起猷畝事陛下每奉廟算征伐及其成功不爽毫髮陛下殆天授臣等何與焉帝曰天下初發難也諸雄並起荒淫剽掠爲生民患張氏以富陳氏以強馮陵吳楚自謂無敵朕孤軍渡江一無所恃惟不嗜殺人布信義而已賴卿等同心共濟故來者如歸人有言士誠偏近宜先擊之朕謂友諒志驕



士誠器小志驕則好生事器小則無遠圖故友諒有鄱陽之役士誠卒不能出姑蘇以爲之援向使先攻士誠則浙西諸城并力堅守友諒必空國而來是兩受其敝也二寇旣除所以先平山東次河雒者先聲旣振幽薊自傾曠廓張思道李思齊皆百戰之餘未肯遽降急之非北走燕則西走蜀故出其不意反旆而北燕都旣舉然後西征次第平定而曠廓猶拒朕師向使未下燕都驟與角力勝負之數未可知也諸將皆服可謂令天下戍戍

命李文忠掌大都督府事設壇祭諸將之戰歿者

潛菴先生史稿

本紀卷之二

三

辛亥料民數十二月乙卯朔封汪廣洋爲忠勤伯

劉基爲誠意伯謫王興福爲西安府知府以郎本

中爲吏部尚書辛酉大明志書成遣使致書元太

子并招諭和林諸部甲子遣官祭南海建奉先殿

乙丑貶商嵩爲侍御史以周時中爲吏部尚書戊

辰封薛顯爲永城侯貶居南海立厲壇於後湖庚

午遣使祭歷代帝王陵寢壬申周德興平長沙蠻

寇癸酉命守令久任丁丑禁武官縱軍鬻賊戊寅

以馮勝爲大都督府右都督己卯賜魏國公等勳

臣田放故元臣王成等三百餘人還鄉自春至冬



日中屢有黑子詔廷臣直言得失甲申享太廟行家人禮

四年春正月丙戌中書左丞相李善長致仕以汪廣洋爲中書右丞相胡惟庸爲中書左丞丁亥命中山侯湯和爲征西將軍江夏侯周德興德慶侯廖永忠爲副將軍出瞿塘潁川侯傅友德爲前將軍濟甯侯顧時爲副將軍出秦隴共伐明昇庚寅建圜丘方丘日月社稷山川壇及太廟於臨濠甲午復闕里孔氏二十六戶徭役丙申諸暨水蠲田租己亥初定憲綱癸卯改建楊王徐王廟於墓所

潛菴先生史稿

本紀卷之二

十四

以天寒發內府布帛製綿衣加賜蔚朔甯夏守邊將士乙巳中書省奏給宦官月俸不聽丙午安南貢馴象丁未令直省設科連試三年自後三年一舉著爲令戊申山西旱蠲田租二月戊午王廉林唐臣使安南還其國王陳日燧遣使謝恩貢方物前使張以甯同還卒於道以劉惟謙爲刑部尚書太白晝見丁卯改鑄小錢戊辰詔賜太平鎮江甯國今年田租己巳奉先殿成帝及皇太子諸王日二朝皇后率妃嬪日進膳月朔薦新以爲常辛未賜北方屯田民牛癸酉蠲慈利三年田租甲戌車



駕幸中都壬午還宮故元遼陽行省平章劉益以  
遼東降改授遼東衛指揮同知三月乙酉策試貢  
士賜吳伯宗等百二十人進士及第出身有差丙  
戌改築圖丘方丘壇癸巳賜功臣六公二十五侯  
及丞相左右丞參政臨濠田丁酉罷司農司戊戌  
日中有黑子壬寅膚施旱蠲田租癸卯命欽天監  
官久任禁以醫祀三皇庚戌定有司三年稱職者  
給諾癸丑中書省奏行百官起居禮進膳用樂不  
許閏月己未以宋冕爲河南行省參政賜功臣守  
墓人戶庚申收元五省八翼漢軍十四萬餘戶三

潛菴先生史稿

本紀  
卷之二

五

戶出一軍黥北平諸衛甲子貶班用吉爲江西按  
察司副使丙子以李友諒爲刑部尚書庚辰以劉  
貞爲治書侍御史壬午以陳修爲吏部尚書夏四

月癸未以蔣思德秦文繹爲戶部尚書丙戌傅友  
德克階州戊子湯和克歸州己丑友德克文州都  
督同知汪興祖戰死庚寅以伐蜀未捷復命永嘉  
侯朱亮祖爲右副將軍濟師乙未廣德侯華高卒

於崖州庚子召陝西儒士趙晉浙江儒士張羽至  
京辛丑傅友德克隆州癸卯克綿州丙午徵山林

隱逸及儒士貢舉下第者戊申太白晝見立元臣



福壽祠五月乙卯詔賜江西今年秋租造用寶金牌及軍中調發符牌丁巳以李守道詹同爲吏部尚書丙寅立大社壇於中都故元遼東平章洪保馬彥翬等殺指揮同知劉益乙亥詔賜浙江今年秋租戊寅以楊訓文爲戶部尚書六月壬午太白晝見傳友德克漢州以徐本爲戶部尚書辛卯廖永忠入夔州戊戌夏丁世貞陷文州守將朱顯忠死之壬寅故元右丞張良佐殺馬彥翬執其黨以獻洪保保奔附納哈出癸卯湯和至重慶明昇降是月納哈出據金山秋七月庚申傳友德下成

潛菴先生史稿

本紀卷之二

十一

都李文忠按行四川撫綏軍民乙丑封明昇歸義侯丁卯定科舉格禁吏胥應試辛未淮安侯華雲龍執元平章僧家奴於雲州壬申元甘肅行省平章阿寒柏等降率其官屬入朝占城告安南侵擾詔諭安南罷兵丙子置四川行中書省以劉惟謙爲參政庚辰江陰侯吳良平綏甯蠻砦丁世貞爲其下所殺八月辛巳改造用寶金牌丙戌免徵沒官田租己亥以左司郎中海淵爲戶部尚書庚子周德興克保甯四川平癸卯詔諭佛赫茂申宜春侯黃彬平贛州山寇己酉命陝西行省官同御史



開倉振饑遣使諭雲南八番烏撒諸蠻是月高州  
海寇作亂通判王名善死之雷州千戶黃肅計平  
之九月庚戌朔日有食之乙卯以磨勘司令端以  
善爲刑部尚書遣御史分道覈倉庫鹽課壬戌以  
安慶爲北平行省叅政朱守仁爲工部尚書丁丑  
以州縣征稅侵漁用富戶爲糧長督鄉賦是月鄧  
愈平鄖縣盜冬十月丙申征西將軍湯和等班師  
還是月修京城十一月庚申命官吏犯贓罪者勿  
貸甲戌都衛指揮遴才授任不許世襲著爲令干  
二月甲申諭勲臣約束僮僕丙戌命工部尚書朱

潛菴先生史稿

本紀  
卷之二

七

守仁廉察山東官吏禁軍民浮海庚寅命漢中貯  
茶易馬西番辛卯大賚平蜀將士課功以傅友德  
廖永忠爲最壬辰賜湯和田萬畝追封汪興祖爲  
東勝侯弛沿江蘆葦癸巳漢中知府費震有罪被  
逮以其多惠政宥之戊戌授開平王遇春叅隨六  
十八人官壬寅詔定官民揖拜禮是歲畿內河南  
陝西山西北平旱大名水蠲振有差高麗日本真  
臘暹羅斛三佛齊淳泥皆入貢

五年春正月壬子置王府三護衛詔以罪謫兩廣

者屯田臨濠癸丑遣待制王禕詔諭雲南壬戌暹



羅斛瓊里瓜哇入貢甲子遣行人楊載詔諭琉球  
乙丑賜魏國公達曹國公文忠宋國公勝交趾弓  
矢徙陳理明昇於高麗戊辰定文武選法乙巳命  
皇太子及秦王祭皇陵庚午命魏國公徐達爲征  
虜大將軍曹國公李文忠爲左副將軍宋國公馮  
勝爲征西將軍分道帥師討擴廓衛國公鄧愈爲  
征南將軍江夏侯周德興江陰侯吳良爲副將軍  
分道帥師討湖南諸洞蠻靖海侯吳禎督海運遼  
東二月庚辰濬運河癸未臨濠火丙戌安南陳叔  
明入貢却之蠲太原大同河曲鹽糧辛卯置四川

潛菴先生史稿

本紀  
卷之二

六

茶鹽都轉運司及秦州茶馬司壬辰都下火燔衛  
軍廬舍倉糧兵器乙巳詔一家父子兄弟從軍者

免其父兄丁未日中有黑子天下建申明亭三月

戊申復京師民徭役巳酉諸將子弟幼者入國學

長者隨朝叅辛亥命禮部明等威革舊習壬子以

徐本爲浙江行省叅政李友諒爲福建行省叅政

安然爲山東行省叅政樂韶爲兵部尚書吳雲爲

刑部尚書黃肅爲工部尚書丁卯都督藍玉敗擴

廓於土刺河庚午澧州洞蠻平壬申高麗賀平蜀

遣子弟入國學四月巳卯濟南萊州旱運粟振之



戊戌詔天下行鄉飲酒禮是月楊璟平散毛等二十九洞五月癸丑夜中都萬歲山雨雹大如彈丸戒將士嚴備不虞以趙孚堅爲吏部尚書戊午以旱宮中蔬食是夜大雨詔曰天下大定崇禮義正風俗爲先曩者遭亂流散爲人奴隸者皆免爲庶人貧無以自養者同里共貸之近代狃於習俗婚姻論財喪葬富者僭侈貧者假貸務崇眩耀又有惑陰陽拘忌停柩經年中書集議明示禁約考定品官命婦冠服及士庶人衣巾婦女服飾頒式中外期復舊典僧道齋薦往往男女溷雜飲酒食肉

潛菴先生史稿

本紀卷之二

九

有司嚴禁之閩廣私宮男子役使者沒官爲奴驍騎羽林江陰諸衛火倭寇海鹽六月丁丑遣吏部尚書趙孚堅振山東饑戊寅馮勝克甘州庚辰登萊東昌早遣使馳驛蠲今年夏稅及逋租徭役丁亥倭寇寧德自甲申至是日太白晝見賜京師民戶帛一匹振東昌河間慶陽饑癸巳定六部歲終考績法甲午以海淵爲福建行省叅政青州萊州蝗丙申郡縣立養濟院壬寅吳良平會同蠻寇癸卯指揮毛驥敗倭寇於溫州甲辰鑄紅牌懸宮中戒諭后妃李文忠兵至稱海宣寧侯曹良臣等戰



死元兵北遁度四川田是月馮勝克肅州進兵亦  
集乃路降其城還乙巳作鐵榜戒功臣秋七月甲  
寅建觀星臺於中都之獨山丙辰湯和及元兵戰  
於斷頭山敗績指揮同知章存道死之辛酉京師  
地震庚午高麗奏耽羅國不朝貢秀蘭山多逋逃  
乞討罪不聽是月蘇州開封水徐州大同蝗鳳翔  
平涼雨雹傷稼蠲田租八月丙子詔自今凡遇郊  
祀皇太子留宮中居守己卯貴州宣慰使靄翠請  
討瓏居不聽庚辰通州海門水蠲田租罷天下賀  
聖節及冬至表箋丙戌申明誠諭書成頒天下以

潛菴先生史稿

本紀卷之二

二十一

呂本爲吏部尚書壬辰錄用左降武職官丙申吳  
良平五開諸蠻凡二百三十三洞倭寇福寧庚子  
建開平王遇春祠於北平甲辰元兵襲雲內同知  
黃理戰死九月乙巳修太廟戊午周德興克酒城  
州壬戌聖壽節詔群臣勿賀仍諭高麗以後免賀  
聖壽是日齋居蔬食歲爲常甲子占城入貢冬十  
月庚寅高麗賀明年正旦詔諭自今三年一貢仍  
賜王顓藥餌丁酉韃靼來降蠲畿內郡縣秋租十  
一月癸亥詔建六公二十七侯第宅於中都河間  
真定早平涼雨雹傷稼並蠲田租是月徐達馮勝



鄧愈班師還大賚軍士吳禎還自遼東納哈出寇  
遼東十二月甲戌詔曰農桑衣食之本學校理道  
之原朕數頒條章欲使民豐衣足食理道暢焉何  
有司奉行不力秩滿給由者往往不書農桑學校  
實績甚乖朕意今後違制者降罰民有不奉天時  
盡地利及師不教導生徒惰學者皆論如律辛巳  
命百官奏事啓皇太子甲申幸三山門見役者裸  
行水中曰今日重裘猶寒役苦乃爾罷京師浚濠  
及中都工作太白晝見丙戌都下火甲午以李信  
爲吏部尚書庚子放內苑禽獸烏思藏入貢爲土

潛菴先生史稿

本紀  
卷之二

三

番所掠命鄧愈爲征西將軍討之王寅揚載使琉  
球還中山王察度遣弟泰期入貢貶吳禎爲定遼  
衛指揮使再遣使與元幼主及其臣劉仲德朱彥  
德書是月城大同

六年春正月癸丑遼東金復二州旱蠲田租群經

類要成甲寅以舉人張唯王輝等爲編修蕭韶爲  
秘書監直長讀書文華堂貶汪廣洋爲廣東行省

叅政以李信爲山西行省叅政戊午定校練軍士  
律庚申訪求天下經術才德可爲祭酒者壬戌遣

使祭江瀆己巳烏思藏入貢庚午羅源山賊作亂



百戶王銘戰死是月安南陳叔明入貢謝罪且請封命以前王印視事二月辛巳置群牧監於滁州壬午禁教坊以古帝王聖賢爲優戲者振崇明饑戊子改群牧監爲太僕寺始定馬政增築國子學舍乙未旌龍游縣民夏文昭四世同居一門三節婦暫停科舉命舉賢才先德行庚子以陶凱吳雲爲湖廣行省叅政刑部郎中顏希哲爲戶部尚書壬寅命御史臺按察司考察有司明黜陟以牛諒爲禮部尚書高萬傑爲刑部尚書三月癸卯朔日有食之頒昭鑒錄於諸王甲辰禮部上所定禮儀

潛菴先生史稿

本紀卷之二

三

帝曰禮者人道之紀綱朕欲振舉廢墜其更與諸儒參考以復先王之舊乙巳分給事中爲六科戊

大哉王言

申大閱壬子命魏國公徐達爲大將軍率諸將北平山西備邊是月修臨濠皇城袁洪平筠連蠻寇夏四月甲戌以黃肅高萬傑爲廣西行省叅政己卯賜故勲臣廖永安等謚號詔每歲春秋遣官祭元臣福壽著爲令帝曰疾風識勁草其福壽之謂乎爲人臣者當如是也乙酉以建安去年雨雹蠲田租乙丑高麗入貢謝賜五月壬寅頒祖訓錄於諸王癸卯詔定公侯以下家廟禮儀賜親王儀仗



車輅詔曰俗吏寡學術故犯法者衆自今省臺六部以經史時務課屬吏歲終考之戊辰以李敏爲工部尚書六月壬午卞昭進瑞麥薦宗廟乙酉以浙江按察司副使孫克義爲刑部尚書戶部郎中呂熙爲本部尚書是月築京城墻廓寇鴈門指揮吳均敗之北平河南陝西蝗汾州旱並蠲田租秋七月壬寅通考自渡江以來諸省水旱災傷撫慰振恤以御史中丞陳甯兼領國子監事庚戌增省府臺官祿以呂熙爲吏部尚書壬子以胡惟庸爲中書右丞相陳甯爲右御史大夫丙子以丁玉馮

潛菴先生史稿

本紀卷之二

三

冕爲中書省參政樂韶鳳爲翰林院侍讀學士孫克義劉仁爲兵部尚書劉惟謙爲刑部尚書俞溥爲戶部尚書詹同爲翰林學士承旨仍兼吏部尚書呂本爲太常寺卿己未遣官祭功臣廟以新戰沒定遼衛指揮高茂等三十八人祔是月振蘇州延安饑蠲和州及河南胙城縣田租八月乙亥詔比指揮沒於戰陣者皆賜公田乙酉建歷代帝王廟於京師辛卯徙朔州民於內地壬辰分天下府爲三等戊戌占城入貢奏攻敗海寇獻俘優賚之是月蠲華州臨潼等縣田租衍聖公孔希學來朝



賜勅慰勞禮部致餼暨歸賚白金文綺光祿設宴翰林官餞之九月庚子以劉昭先爲禮部尙書趙翥爲工部尙書振冀州棗強饑應天浙江江西今

歲糧稅悉代以布壬寅編日曆甲辰設戒飭榜庚

戌禁表箋奏疏用駢偶王子振真定諸縣饑乙卯

此亦崇禎之一端

命諸司常事啟皇太子大者乃奏聞壬戌改臨濠府爲中立府冬十月丙子徙山西邊民於中都辛

巳高麗貢馬庚寅以李儼爲戶部尙書陳璿爲刑部尙書壬辰考前代斜劾宦官法癸巳以中書叅

政馮冕署刑部尙書丁酉立開平王廟於中立府

潛菴先生史稿

本紀卷之二

十四

十一月辛丑命聊城縣修帝顓頊陵廟巳酉占城

攻敗安南來告捷遣使諭罷兵癸丑建歷代帝王

廟於中立府建元世祖廟於北平汾州旱蠲田租

州官上言秋種幸成願入賦如故帝曰此聚斂臣

欲剝民以希寵巳遇旱縱有收裁足食况巳免復

征不可謂信不許丁巳田州饑詔賜牛種仍蠲稅

三年復以李儼爲刑部尙書巳未聞潞州貢人參

勞民罷之謂近臣曰在金華貢香稻朕止之遂於

苑中自種數十畝觀刈穫爲樂及計所入亦足供

用太原歲進葡萄酒亦令停罷政在養民豈以口



腹累民哉甲子真定屬縣饑命尚書劉仁等分行  
振恤仍蠲租稅丙寅冬至帝不豫改郊期於閏月  
閏月乙亥陞故功臣子孫應襲者二百九人已丑  
頒詳定大明律十二月丁酉詔府州縣止存一寺  
一觀禁女子爲尼以唐鐸爲刑部尚書庚申濬陳  
州河通漕是歲暹羅斛三入貢高麗真臘三佛齊  
各入貢帝曰外國朝貢無間遠近朕德薄何以當  
之古之王者厚往而薄來其加賜文綺以答其意  
是月待制王禕遇害於雲南

七年春正月庚子詔六部司官毋輕調振松江水

潛菴先生史稿

本紀  
卷之二

五

災命靖海侯吳禎爲總兵官都督僉事于顯爲副

出海捕倭三月丁酉朔日有食之戊戌阿難功德

國入貢丁未皇太子諸王祭旗纛百庚戌至甲寅

日中有黑子丁巳濟南衛輝平陽太原汾州旱蝗

蠲今年租戊午詔修曲阜孔子廟及祭器設孔顏

孟三氏教諭癸亥發太倉振蘇州屬縣三月戊辰

以劉仁爲廣東行省叅政癸巳暹羅斛入貢以無

表文却之詔遠國世一朝高麗三年一聘著爲令

安南陳叔明請以弟熾權國事許之夏四月戊戌

以丁玉爲中書省右丞唐鐸爲太常寺卿都督僉



事藍玉等拔興和癸卯置鐵冶官一十三所甲辰命山郡水不通漕者金銀錢布代輸乙巳命高陽縣修帝高辛廟丙辰以汪廣洋爲左御史大夫五月丙寅修皇明寶訓己巳蠲蘇松嘉興夏稅壬申高麗入貢署名錯誤却其貢賜璽書責之癸酉以侯至善爲中書省叅政甲戌修太廟丙子以嚴達爲工部尚書趙著爲禮部尚書戊寅真定等四十二府州縣旱蠲稅振恤辛巳振蘇州饑民三十萬戶貸穀種農具癸巳減蘇松嘉湖四府極重田稅之半甲午安南陳端奉表謝恩久旱親禱已而大

潛菴先生史稿

本紀卷之二

三

兩學士承旨兼吏部尚書詹同致仕是月北平河間山東河南捕蝗六月乙未日本入貢以無表文却之癸卯復以詹同爲學士承旨壬子蠲陝西逋租戊午置皇陵祠祭署以汪文爲署令劉英爲署丞世襲汰北方減僻州縣官凡三百八人西域撒里畏兀兒入貢癸亥召淮安侯華雲龍於北平卒於道是月陝西平涼延安靖寧鄜州雨雹山西山東河南北平蝗並蠲田租秋七月倭寇膠州海州官兵連敗之自庚辰至甲申太白晝見丁亥貶牛

諒爲主事壬辰以顏希哲爲山西行省叅政李儼



爲陝西行省參政馬貫爲戶部尚書八月甲午親  
祀歷代帝王廟復以牛諒爲禮部尚書丁酉以占  
城去年告捷遣使齎上尊金織文綺賜其國王戊  
戌遣元威順王子伯伯詔諭雲南庚子改中立府  
爲鳳陽府辛丑詔武臣戰死妻子不能自存者有  
司以各聞官爲存養無使失所遣使賜元臣禿魯  
及乃兒不花書甲辰遣元舊官趙天佑詔諭大理  
庚戌以孫克義爲湖廣行省參政丁巳構屋龍江  
養貧民廢疾者河間等府饑蠲租振恤九月丁丑  
遣買的里八剌北歸仍與其父愛猷識里達臘書

潛菴先生史稿

本紀  
卷之二

七

丙戌誅元四大王黨三十六人庚寅貴妃孫氏薨  
冬十月庚申琉球三佛齊入貢十一月壬戌孝慈  
錄成納哈出復寇遼陽千戶吳壽敗之乙丑改建  
奉先殿丙寅釋註誤囚丁丑暹羅斛獻方物於皇  
太子命其使朝東宮獻之壬午召用官吏以罪屯  
田鳳陽者乙酉命儒士於諸司習吏事十二月甲  
午員外郎許允德使朶甘烏思藏戊戌開封水蠲  
田租甲辰御註道德經成甲寅烏思藏入貢乙卯  
刑部侍郎李浩使琉球乙未許允德卒於河州庚

申牛諒免



八年春正月壬戌以章善爲禮部尚書癸亥撒里畏兀兒來朝辛未遣官祭功臣廟以華雲龍等一百八人耐癸酉山陽縣民請代父繫獄帝曰爲孝子屈法釋之丙子洪武聖政成辛巳鄧愈等十二公侯分詣諸省開衛屯田丁亥天下立社學是月河決開封高麗占城暹羅解日本瓜哇三佛齊皆入貢二月辛卯以李敏爲江西行省參政乙巳以都督府經歷韓焯爲戶部尚書俞溥爲江西行省參政馬貫爲浙江行省參政丙午資世通訓成癸丑耕籍田三月辛酉造大明寶鈔癸亥蠲北平河

潛菴先生史稿

本紀卷之一

天

間租稅丙寅命皇太子及諸王祭皇陵丁卯高麗國王王顥卒來告哀戊辰選國子生三百六十八分教北方丙子立張巡許遠廟於歸德州戊寅以趙好德宋冕爲戶部尚書癸未置中都國子學甲申德慶侯廖永忠卒洪武正韻成夏四月庚寅改建奉先殿成辛卯車駕幸中都遣官祭滁陽王廟丁酉皇太子攝享太廟甲辰祭告天地於中都乙巳仁祖忌日祭皇陵遣官祭開平王常遇春祠丙午遣李文忠祭楊王墓辛亥淳皇后忌日祭皇陵丁巳車駕還宮河南彰德北平大各蝗陝西臨洮



平涼河州雨雹傷麥並蠲田租罷修中都止營建  
兩京議賜六部尚書及各行省參政公田祿米誠  
意伯劉基卒五月戊辰減漢中租徭辛巳以宋冕  
趙好德爲陝西行省參政是月貴州苗蠻叛指揮  
同知胡汝討平之六月高郵水滄景河間旱蠲田  
租秋七月巳未朔日有食之辛酉改作太廟戊辰  
詔百官奔父母喪不待報丙戌以章善署湖廣行  
省參政是月應天湖廣旱蠲田租八月巳亥勅韓  
國公李善長等分道勸農丁巳太白晝見九月辛  
酉改建大內宮殿戊辰湖廣行省參政吳雲使雲

潛菴先生史稿

本紀  
卷之二

元

南丙戌以張籌爲禮部尚書冬十月丁亥詔舉富  
民素行端潔達時務者乙未築鳳陽皇陵城丁酉  
占城暹羅斛三佛齊入貢丁未開封睢州淮安水  
蠲田租壬子命皇太子諸王講武中都詔天下都  
衛並改爲都指揮使司隸大都督府十一月甲戌  
甘露降於南郊群臣稱賀卻之戊寅以李泰周肅  
爲戶部尚書十二月戊子京師地震丙午宛平蝗  
蘇松嘉湖等郡水蠲租振恤納哈出寇金州都指  
揮馬雲葉旺敗之



